

"1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер арасындағы Әскери-техникалық ынтымақтастықтың негізгі қағидаттары туралы келісімнің шеңберінде жеткізілетін әскери мақсаттағы өнімдердің мақсатты пайдаланылуын бақылауды жүзеге асыру тәртібі туралы хаттаманы бекіту туралы" Қазақстан Республикасы Заңының жобасы туралы

Қазақстан Республикасы Үкіметінің 2003 жылғы 6 қарашадағы N 1093 қаулысы

Қазақстан Республикасының Үкіметі қаулы етеді:

"1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер арасындағы Әскери-техникалық ынтымақтастықтың негізгі қағидаттары туралы келісімнің шеңберінде жеткізілетін әскери мақсаттағы өнімдердің мақсатты пайдаланылуын бақылауды жүзеге асыру тәртібі туралы хаттаманы бекіту туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы 1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер арасындағы Әскери-техникалық ынтымақтастықтың негізгі қағидаттары туралы келісімнің шеңберінде жеткізілетін әскери мақсаттағы өнімдердің мақсатты пайдаланылуын бақылауды жүзеге асыру тәртібі туралы хаттаманы бекіту туралы

2002 жылғы 7 қазанда Кишинев қаласында жасалған 1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер арасындағы Әскери-техникалық ынтымақтастықтың негізгі қағидаттары туралы келісімнің шеңберінде жеткізілетін әскери мақсаттағы өнімдердің мақсатты пайдаланылуын бақылауды жүзеге асыру тәртібі туралы хаттама бекітілсін.

Қ а з а қ с т а н Р е с п у б л и к а с ы н ы ң

Президенті

1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер арасындағы Әскери-техникалық ынтымақтастықтың негізгі қағидаттары туралы келісімнің шеңберінде жеткізілетін әскери мақсаттағы

өнімдердің мақсатты пайдаланылуын бақылауды жүзеге асыру тәртібі туралы ХАТТАМА

Бұдан әрі Тараптар деп аталатын, 1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер,

1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер арасындағы Әскери-техникалық ынтымақтастықтың негізгі қағидаттары туралы келісімнің (бұдан әрі - Келісім) шеңберінде жеткізілетін әскери мақсаттағы өнімдердің мақсатты пайдаланылуын бақылауды жүзеге асыру үшін,

2000 жылғы 11 қазанда Бішкек қаласында қабылданған Келісімді іске асыру туралы Ұжымдық қауіпсіздік кеңесінің шешімін басшылыққа алып және осы Келісімнің 6-бабын негізге ала отырып,
төмендегілер туралы келісті:

1-бап

Келісім шеңберінде әскери мақсаттағы өнімді жеткізуші тарап (бұдан әрі - жеткізуші Тарап) оның мақсатты пайдаланылуын бақылауға құқылы.

Оған қатысты бақылау жүзеге асырылатын Тарап жеткізуші Тарапқа оның жеткізілген әскери мақсаттағы өнімнің қолда барлығын және мақсатты пайдаланылуын бақылауды жүзеге асыруы үшін қажетті жағдайлар ұсынады.

2-бап

Келісімнің 1-бабының алтыншы және жетінші абзацтарында және 2-бабында баяндалған жағдайларға сәйкес жеткізілетін әскери мақсаттағы өнім ғана бақылануы мүмкін.

3-бап

Мыналар бақылаудың мақсаты болып табылады:

Келісімде және екі жақты келісім-шарттарда көзделген әскери мақсаттағы өнімнің мақсатты пайдаланылуын тексеру (жеткізілген әскери мақсаттағы өнімнің ұжымдық қауіпсіздік аймақтарындағы көп жақты күштер мен құралдардың құрамына бөлінген әскери құралымдарда бар болуы, оны есептен шығарудың, соның ішінде қайтарылмайтын шығындарға да негізделуі);

әскери мақсаттағы өнімді жеткізумен байланысты және жеткізуші Тараптың мемлекеттік құпиясын құрайтын мәліметтерді қорғау шараларының сақталуын тексеру.

4-бап

Жеткізуші Тараптың арнайы уәкілетті өкілінің әскери мақсаттағы өнім түрлерін, соның ішінде қайтарылмайтын шығындарға есептен шығаруға, сондай-ақ жеткізуші Тараптың мемлекеттік құпиясын құрайтын мәліметтерді тасымалдаушы болып табылатын құрамдас және жинақтаушы бөлшектерді жоюға қатысуға құқығы бар.

5-бап

Бақылауды жүзеге асыруға тілек білдірген жеткізуші Тарап оны өткізудің жоспарланған мерзіміне дейінгі 15 тәуліктен кешіктірмей, оған қатысты бақылау жүзеге асырылатын Тарапқа осындай бақылауды жүргізуге рұқсат алуға арналған сұрау ж і б е р е д і .

Сұрауда жеткізуші Тарап бақылауды жүзеге асыруға ниеттенген әскери мақсаттағы өнім, оны өткізуге қажетті мерзім, бақылау тобының дербес құрамы, сондай-ақ бақылау барысында пайдаланылатын техникалық құралдар көрсетіледі. Бақылау тобының сандық құрамы, әдетте, егер тараптармен өзгеше келісілмесе, 5 адамнан аспауы тиіс.

6-бап

Бақылау тобының мүшелері оған қатысты бақылау жүзеге асырылатын Тараптың аумағында болу кезеңінде осы Тараптың заңнамасын сақтауға міндетті.

7-бап

Оған қатысты бақылауды жүзеге асыру болжанатын Тарап бақылау тобын қабылдаудан бас тартуға құқығы жоқ және сұрау алынғаннан кейін он күн мерзімінде, бірақ болжанатын тексеру басталатын күнге дейінгі бес күннен кешіктірмей оны өткізу уақытын келісіп, өзінің бақылауды жүргізуге дайындығы туралы жеткізуші Тарапты хабардар етеді. Форс-мажорлы жағдайлар (оқиғалар) ғана ерекшелік болуы мүмкін. Бұл жағдайларда оған қатысты бақылау жүргізу болжанатын Тарап жеткізуші Тарапқа бақылауды жүзеге асыру мерзімін жылжыту туралы ұсыныс білдіруі мүмкін.

8-бап

Әскери мақсаттағы өнім түрлерін бақылауға, жоюды немесе есептен шығаруды тексеруге байланысты шығыстарды, соның ішінде қайтарылмайтын шығындарға қаржыландыру жеткізуші Тараптың есебінен жүзеге асырылады. Тұруға және тамақтануға, көлік және халықаралық (қалааралық) байланыс құралдарын пайдалануға төлеу бақылауды жүргізу барысында, оған қатысты бақылау жүзеге асырылған Тараптың, оның ішкі бағалары бойынша ұсынған шоттарының негізінде жүзеге а с ы р ы л а д ы .

Бақылау топтарының мүшелеріне жедел, кейінге қалдыруға болмайтын

медициналық көмек Тәуелсіз Мемлекеттер Достастығына қатысушы мемлекеттердің азаматтарына медициналық көмек көрсету туралы 1997 жылғы 27 наурыздағы келісімге және екі жақты келісімдерге сәйкес жүзеге асырылады.

9-бап

Оған қатысты бақылау жүзеге асырылатын Тарап оны өткізу кезеңіне өз уәкілетті органының өкілдерін (өкілін) бөледі және бақылау тобын кіру пунктінде қарсы алуды, бақылау орнына және шығу пунктіне дейін ілесіп жүруді, тамақтануды, медициналық қызмет көрсетуді, көлікті, тікелей бақылау объектісінен халықаралық (қалааралық) байланыс құралдарын пайдалануды қоса алғанда жұмыс істеуі және өмір сүруі үшін жағдайларды қамтамасыз етеді және мүмкін болған жағдайда мұндай байланысты топ басшысының өтініші бойынша кез келген басқа жерде қамтамасыз етуге, қызметтік құжаттарды, әкелінетін техникалық бақылау құралдарының сақталуын және бақылау тобы мүшелерінің қауіпсіздігін қамтамасыз етуге көмек көрсетеді.

10-бап

Оған қатысты бақылау жүзеге асырылатын Тарап сұрауда көрсетілген әскери мақсаттағы өнімді, сондай-ақ оның мақсатты пайдаланылғанын растайтын қажетті құжаттарды ұсынуға міндеті.

11-бап

Тараптардың келісуі бойынша бақылауға ұжымдық қауіпсіздік жүйесі мемлекетаралық органдарының өкілдері тексерудің барысын бақылаушылар ретінде қатысуы мүмкін.

12-бап

Жүргізілген бақылаудың нәтижелері актімен ресімделеді.

А к т і д е :

Бақылау тобының құрамы және бақылау жүзеге асырылған Тараптың өкілдері; негізі бойынша бақылау жүзеге асырылған құжаттар (бақылау жүргізуге арналған сұрау, бақылау жүргізуге рұқсат ету туралы хабарлама); бақылаудың мақсаты мен объектілері; бақылауды жүзеге асыру мерзімдері; бақылаудың нәтижелері көрсетіледі.

Акті бақылау тобының басшысы мен бақылау жүзеге асырылған Тарап уәкілетті органының өкілі қол қойған, бірдей күші бар екі данада жасалады. Бір данасы жеткізуші Тарапқа, екіншісі - бақылау жүзеге асырылған Тарапқа арналады.

13-бап

Актіде белгіленген және тіркелген әскери мақсаттағы өнімді басқа мақсатқа пайдалану немесе жеткізілген әскери мақсаттағы өнімнің болмау фактілері, осы Хаттаманың 4-бабында белгіленген тәртіпті бұза отырып оны есептен шығару фактілерін қоса алғанда Келісімнің 6 , 9 және 10-баптарының ережелерін, сондай-ақ жасалған келісім-шарттардың тиісті ережелерін қолдану үшін негіз болып табылады.

14-бап

Осы Хаттама Келісімнің ажырамас бөлігі болып табылады және оған Тараптардың өзара келісімі бойынша өзгерістер мен толықтырулар енгізілуі мүмкін.

15-бап

Осы Хаттама Келісімнің 13-бабында көзделген тәртіппен күшіне енеді. Орыс тілінде бір данада жасалды. Түпнұсқа данасы Ұжымдық қауіпсіздік кеңесінің хатшылығында сақталады, ол осы Хаттамаға қол қойған әрбір мемлекетке оның расталған көшірмесін жібереді.

Армения Республикасы үшін *Қырғыз Республикасы үшін*

Беларусь Республикасы үшін *Ресей Федерациясы үшін*

Қазақстан Республикасы үшін *Тәжікстан Республикасы үшін*

1992 жылғы 15 мамырдағы Ұжымдық қауіпсіздік туралы шартқа қатысушы мемлекеттер арасындағы Әскери-техникалық ынтымақтастықтың негізгі қағидаттары туралы келісімнің шеңберінде жеткізілетін әскери мақсаттағы өнімдердің мақсатты пайдаланылуын бақылауды жүзеге асыру тәртібі туралы хаттамаға Беларусь Республикасының Ескертпесі

Беларусь Республикасы өзін Хаттаманың 3-бабы үшінші абзацының ережесімен байланысты санамайды.

Б е л а р у с ь Р е с п у б л и к а с ы н ы ң
Премьер-министрі